


羊村十二勇士



None of us are free,
if one of us are chained.
一人受困，我們無一自由。

None Of Us Are Free
by Solomon Burke



羊村落入面住咗好多隻善良又勇敢嘅羊咩咩。
但係，首領大灰狼成日都帶埋啲狼群恰羊咩咩，
佢哋會搶走羊咩咩嘅食物，





又試過無啦啦拆咗佢哋屋企，
甚至試過放病毒想毒害羊咩咩。



大灰狼最想食晒羊村入面所有羊咩咩，
霸佔羊村。



不過，無論大灰狼有幾狡猾都好，
羊咩咩們都好努力噏守衛羊村。
經過一場激烈嘅羊村守衛戰之後，
羊咩咩雖然未能夠趕走大灰狼，
但係羊咩咩變得越嚟越團結同英勇。



大灰狼好擔心再噉落去，
自己會冇得再恰羊咩咩。



於是大灰狼決定下令
要殺咗羊村守衛戰入面
最勇敢嘅羊咩咩。

佢同佢嘅手下望住羊村點名簿.....

就係呢隻啦！仲有呢隻！
我認得佢哋有出嚟打個場乜鬼守衛戰！
幫我圈住佢！



一隻... 兩隻... 三隻.....
十隻... 十一隻... 十二隻...
就呢十二隻啦！我要殺咗佢哋！



羊小軒



羊小富



羊小裕



羊小謙



羊小賢



羊小麟



羊小豪



羊小文



羊小福




羊小然



羊小偉



羊小瑜



呢個消息好快就傳到羊咩咩度，

大家即刻搵咗嗰十二位勇士，
叫佢哋要快啲逃離羊村，
避開大灰狼嘅追殺。





十二個勇士入面，
羊小福年紀最細，佢仲返緊學，
連書包都有拎到就要即刻離開。



羊小偉呢，
平時就最鍾意飲烏龍茶，
但係今次連烏龍茶都未買得切就要即刻走。




仲有羊小賢，佢最鍾意帶住貓貓周圍去玩，
但今次要逃避大灰狼嘅追殺，
唯有放低貓貓即刻離開。



十二位勇士連同屋企人講「拜拜」嘅機會都有，
就要即刻出發離開羊村。

要離開佢哋最鍾意嘅羊村落，十二位勇士都忍唔住流眼淚，同時又好擔心自己嘅家人有冇其他羊可以幫忙照顧。

佢哋都唔知道前面有咩難關等緊佢哋，但係大灰狼嘅手下就快趕到，佢哋冇其他辦法，只可以匆忙嘅離開自己最愛嘅屋企。




十二位勇士去到羊村門口，
即刻跳上小船出發去另一條村落。





但係...

佢哋都有留意到原來大灰狼已經知道咗呢一切，
仲安排咗佢嘅手下跟住十二位勇士。



十二位勇士開住船，
由羊村落嘅小河撐到去大海，
朝住一條冇狼嘅村落出發。



勇士們由天光撐船撐到天黑，
佢哋都已經好叻好想瞓覺，
但都依然堅持住，
希望可以成功去到其他村落搵動物幫手。
而佢哋都相信，總有一日，
羊村入面同喺其他村落嘅羊咩咩大家都可以一齊努力，
趕走大灰狼，
到時十二位勇士就可以返返去佢哋最愛嘅羊村落。





而同時，大灰狼嘅手下已經準備好，
喺海上面等緊佢哋.....



十二位勇士繼續撐啊撐... 突然之間，大浪湧過嚟，
十二位勇士見到前面有燈閃下閃下。羊小瑜就話：
「會唔會係其他村落嘅動物嚟㗎？」

其他勇士都未趕得切回答佢，隻大船就駛到佢哋前面，
大船嘅燈閃下閃下，
十二位勇士都睇唔清楚大船上面有咩動物。


「同我捉晒佢哋返狼村落！」大船上面嘅船長大聲噉講。





十二位勇士被大灰狼嘅手下矇住眼睛，
綁住手腳，帶咗返狼村。狼村嘅首領狼
主席見到有十二隻羊嚟到自己村落，有
得開餐，就好開心，吩咐狼將佢哋韁係
狼村嘅監獄入面。





過咗幾日，
大灰狼嘅手下去到羊村嘅廣場上
好得戚嘅宣布：

你哋班唔聽話嘅羊！
講個好消息畀你哋聽，
我成功捉到十二隻羊
送去狼村落度畀狼開餐啊！



羊咩咩聽到後，都嚇咗一跳。佢哋好擔心好嬲。
但無論而家十二勇士嘅情況係點，佢哋都決定要努力，
用盡方法試吓救返呢十二位勇士。




十二勇士會唔會已經畀狼食咗？

定係佢哋畀狼打緊？

佢哋開始好勤力㗎每日都寫信送去狼村落，
希望畀狼知道有好多羊咩咩都支持十二位勇士，
唔畀狼蝦佢哋。




有啲羊咩咩就好努力㗎去其他村落，
睇吓有無其他動物可以幫到手救返十二位勇士。



有啲羊咩咩就好辛勤嘅舉辦集會，派單張畀其他羊咩咩，希望大家都可以繼續關心十二位勇士。



而狼村入面，亦有好勇敢嘅動物唔怕畀狼主席殺，偷偷咁嘅幫助十二位勇士，希望可以救返佢哋。




而家十二位勇士都仲未有機會返屋企。
羊村入面隨時都有可能有更多嘅勇士要
面對一樣嘅境況。



如果你係羊咩咩，你會唔會一齊用盡辦法，
堅持去幫手拯救十二位勇士呢？



李宇軒
29歲




鄭子豪
17歲



張俊富
22歲



廖子文
17歲



張銘裕
20歲



黃臨福
16歲



嚴文謙
21歲




鄧榮然
30歲



李子賢
29歲



黃偉然
29歲



郭子麟
18歲



喬映瑜
33歲

願十二位勇士、所有被困、被迫流亡嘅
香港人早日平安歸來。



羊村入面有十二位勇士因為大灰狼嘅迫害，而被迫離開佢哋最心愛嘅屋企。佢哋匆匆忙忙上船離開，前面又有咩咩難關等緊佢哋？而羊村入面嘅咩咩又可以點幫十二位勇士？

願十二位勇士、所有被困、被迫流亡嘅香港人早日平安歸來。

#Save12

文：香港言語治療師總工會

圖：rainection (Instagram: @rainection)

親子共讀：4-7歲

自行閱讀：7歲以上



© 2020 The General Union of Hong Kong Speech Therapists. All rights reserved.

